

清·張 溥撰

清同治十二年著者手稿本 行書

秘魯國志略

不分卷

文海出版社
有限公司
印行

秘魯國志略

虞山張溥述次

明劉元啓商君傳

商君姓陶名一中家於饒之景德相傳先世居河濱有器者型虞舜之化以不苦窳稱及舜賓四門嘗柄用之封於商邱遂襲商君焉

秘魯古無史其國之沿革廢興不可得而詳自歐羅巴通人
通其地始記其風俗疆域散見於各書今輯其事蹟次其
歲紀都為一簡以備觀覽云秘魯古名塔萬聽聽蘇有譯
為天下四方之意其國在西半球南亞美利加之西先為
土番部落與玻利非亞基多為一國今分西歷一千一百
年當宋徽宗建中靖國元年時有開巴名曼可喀拍喀者
創為拜日教以愚其土人土人信奉之曼可喀拍喀遂自
立為王妻其妹嗎嗎阿勒呼可為后名其國曰英措從南
音土人又各英勾斯此時歐羅巴各國猶未知其地也國中

秘魯國志畧

秘魯古無史其國之沿革廢興不可得而詳自歐羅巴通人

通其地始記其風俗疆域散見於各書今輯其事蹟次其

歲紀都為一簡以備觀覽云秘魯古名塔萬聽聽蘇有譯

為天下四方之意其國在西半球南亞美利加之西先為

土番部落與玻利非亞基多為一國今分西歷一千一百

年當宋徽宗建中靖國元年時有開巴名曼可喀拍喀者

創為拜日教以愚其土人土人信奉之曼可喀拍喀遂自

立為王妻其妹嗎嗎阿勒呼可為后名其國曰英措從南

音土人又各英勾斯此時歐羅巴各國猶未知其地也國中

進出入之數而
於國之
風俗
革而
不詳

皆土著民生不見外事惟以開礦為業金銀祇鑄器皿不為
貨幣國內風俗語言教化所在皆同無文字書記結繩以
記事浸浸乎有太古之風焉曼可喀拍喀傳二十世當一
千五百十餘年間王名呼愛乃喀拍喀亦妻其妹為后生
子呼阿斯喀不愛愛別姬子阿塔呼阿拍封以基多地而
以秘魯封呼斯喀是為秘魯之始呼愛乃喀拍喀在位四
十六年於一千五百二十九年沒呼阿斯喀兄弟積不相
能然父沒遂擄兵阿塔呼阿拍兵敗為呼阿斯喀所擒頃之
逸歸國復舉基多兵來戰擒呼阿斯喀歸未至國道遇必
薩羅有兵百七十八人先是一千五百二十二年有西班

牙人姓必薩羅又稱比查魯名佛蘭昔斯乃泊船於哪嗎海聞

隣舟人言自此而南有一大國產金銀甚多必薩羅利之

同人集股為會買一大舟於一千五百二十四年從哪嗎

海南行屢瀕於危幾不得達顧以利之所在堅不舍抵生

麥鉄亞海此處現屬基多向土人探聽產銀所及道路遠近而返

一千五百三十一年必薩羅又多備巨艦帶精兵百八十

五人逕至秘魯之賽汪江舍舟南行明年西八月至喀薩

馬喀城時值秘魯內亂必薩羅遂襲踞其城復畧坦噶山

谷拉拉地皆下之名其地曰散米勾耳至是猝遇遇基多王

阿塔呼阿拍軍軍容壯甚西班牙人望見咸大懼顧已深

入不能退而基多王意輕必薩羅兵單遂不設備必薩羅
夜襲其營擒基多王并擒秘魯王將其軍軍皆帽服莫敢
動時西十一月十一日也必薩羅之至秘魯也求兵於西
班牙之大酋大酋以事不可必拒之必薩羅怒至是既得
基多秘魯地欲自王之其下以為宜歸地於王而受賞不
宜懷二乂之事未決必薩羅令基多王秘魯王棄拜日教
從天主教二王不從乃殺之而立呼阿斯喀子曼果開巴
而已輔之盡括^其宮中財物駐兵於城內以自衛必薩羅以
庫斯都城^果不便於商賈乃建新都於兒利馬克河濱名曰
諸王城後又改為馬^利一千五百三十五年正月徙居之以

西班牙大酋阿耳邁格守庫斯果曼果開巴之為必薩羅立
也政無大小悉委之王虛位而已必薩羅專國日甚王浸
不悅潛逸出都聚其舊部民十餘萬攻必薩羅城幾陷秘
魯民爭相起遇西班牙人咸執殺之阿耳邁格與必薩羅
有隙時亦以庫斯果兵攻必薩羅必薩羅大懼始以地歸
於西班牙王而求援會曼果開巴以城圍久不下恐妨農
功乃解去阿耳邁格勢孤亦回庫斯果必薩羅躡其後掩
殺之西班牙王以秘魯^政皆主於必薩羅思分其權命大臣
發噶荅喀斯塔駐秘魯領西班牙人兼轄秘魯必薩羅不
悅一千五百四十一年六月阿耳邁格子起兵復讐殺薩^必

羅自襲其父職發噶答喀斯塔以兵誅之一千五百四十
二年必薩羅弟康查羅又誅發噶答喀斯塔秘魯大權遂
屬康查羅而康查羅頗携二於西班牙王遣代拉喀斯噶
征之一千五百四十六年圍庫斯果康查羅以城降按其
罪誅之并戮其黨代拉喀斯噶立法度規模畢具越四
年返國後之守是土者一遵成法人民安業西班牙屬國
以秘魯為尤恭順云一千七百八十年秘魯土人塔八阿
麻羅反自稱英勾斯未幾平之是歲西班牙分其地為玻
利非亞又名高秘魯自一千五百四十六年至一千八百
十年秘魯皆屬於西班牙國無事一千八百十年南亞美利

加拉他河濱各國之屬西班牙者皆叛自立為民主之
國惟秘魯不與各叛國以兵脇之秘魯懼亦從各國叛西
班牙自立為民主之國一千八百二十年七月公推散麻廷
權為首領是時秘魯雖自立而境內尚駐有西班牙軍一千
八百二十三年西正月西班牙軍作亂敗散麻廷於木喀
呼阿六月西班牙將軍開脫噶喀襲利馬城破之會可倫
別亞以兵來援與開脫噶喀戰於城下可倫別亞敗走一
千八百二十二年西九月散麻廷退位公推將軍道母摩
賽代之時西班牙軍在秘魯者尚精銳萬八千人將軍堪
朵拉勒其所部圍利馬秘魯眾不敵乃降堪朵拉連下數

城秘魯危甚幾復失秘魯將軍保力發起兵圖恢復百姓
爭赴之道毋摩賽不悅時掣其肘保力發執而囚之一千
八百二十四年西八月可侖別亞別將須可兒以兵來會
遂合兵與西班牙軍戰敗之於由甯十二月又於噯牙近
地斬堪朶拉於陣盡俘其衆惟駐秘魯喀聊之一軍未破
一千八百二十六年正月衆大臣共推保力發為首領保
力發雖以功推首領而為人深酷不仁民心不善也會可
侖別亞携二於秘魯盡歸其所俘於西班牙以求好保力
發親平兵征之民俟其行即叛立將軍婁麻為首領逐保
力發及之保力發懼遁走婁麻將其軍與可侖別亞戰大

敗民又廢之而立噶麻拉遂罷與可侖別亞戰噶麻拉在
位四年國無事期滿民推奧必告梭代之一千八百三十
五年正月將軍薩來之耳叛玻利馬自立時奧必告梭巡
秘魯南境聞之懼不勝乞援於玻利非亞遣散塔克魯斯
以兵至庫斯科薩來之耳遣噶麻拉率兵禦之敗還薩來
之耳自以兵迎戰盡其軍薩來之耳被誅叛者悉平散塔
克魯斯既平秘魯之亂分其國為并於玻利非亞廢奧必
告梭而自立國人不服一千八百三十九年奧必告梭與
智里戰大敗遂遁歸玻利非亞秘魯乃復國公推噶麻拉
為首領噶麻拉初從薩來之耳叛後助智里敗散塔克魯

斯故民立之一千八百四十一年噶麻拉歿曼南豆斯暫
攝明年將軍拖里果逐之國事亂又明年盡誅叛人迎曼南
豆斯後權國事一千八百四十五年民共推將軍喀斯鉄
拉為首領名拉國內大治一千八百五十一年喀斯鉄拉
期滿民推將軍愛該逆克代之又名甌陟你喀
又名羅非奴一千八百五十
二年美國以兵至秘魯欲爭羅白士島為屬地英法兩國
和之乃罷古阿那仍歸秘魯販賣他國不得攘奪是歲三
月與巴西修和約秘巴兩國可隨在阿嗎生河行賈通商
並約每歲酌給彼此來往輪船之費時秘魯以欠民債歲
出子金甚巨議裁減之國民大亂經議事院調處民稍定

是載與事多中二
兩國新法拉查
其各海止禁商
出入以國之

十二月玻利非亞將軍必兒蘇以兵至境國人因之復亂
舊首領喀斯鉄拉為其首喀斯鉄拉檄諭國中凡為奴隸
者皆脫其籍免紅人丁稅使各從軍自効於是所在盜賊
蜂起境內大擾一千八百五十五年正月喀斯鉄拉敗愛
該逆克破利馬入踞之其下共推喀斯鉄拉暫攝十月定
治國新法民有不便新法者咸反一千八百五十八年三
月平之八月國人共推喀斯鉄拉為首領許之十月議事
院會議治國新法久之議未決一千八百六十年七月議
以新法久不定易議事院官新法乃定十月刊頒新法於
國中使民咸知時西班牙仍欲以生民哥島內屬法蘭西

亦欲得麥哥^西地皆舉兵以臨之喀斯鉄拉懼復為西班牙所并乃馳一書於南亞美利加各邦欲共聯盟禁^歐羅巴人入南亞美利加境各邦韙之議不行^格一千八百五十

年與基多爭邊壤兩國交戰喀斯鉄拉盡封基多各海

口禁商賈出入以困之一千六^百年六十年有基多叛將私

與喀斯鉄拉立約許以其約士喀乃六士兩地為秘魯屬

基多首領知之誅叛將復戰^歐羅巴人解之喀斯鉄拉^不

一千八百六十二年十月喀斯鉄拉期

滿民推生騰們名蜜綽兒代之遂與基多罷明年四月蜜

綽兒殺民推白瑞脫名以羅奪利苟士代之是月有西班

牙巴斯喀民人徙居於秘魯之塔郎^能地與土人失和擗鬻

西班牙生令白瑞脫調停之置不問一千八百六十四年
三月西班牙王使馬瑞兒阿杜至秘理其事白瑞脫又不
為之禮馬瑞兒阿杜怒與其水軍統領平人以舟師奪得
琴釵羣島欲挾此以脅秘魯必償其徙民所失之財物及
此次出軍之費乃已國人咸為不平於是南美^亞利加各民
主之國智里玻利非亞哀欽梯乃基多可倫別亞佛勒瑞
古阿馬拉聖騷發得與秘魯咸會於利馬議遂西班牙使
奪回琴釵數月議未決十一^月議事院令白瑞脫攻西班牙
舟師並要之曰如不能辦則辭位毋阻賢路白瑞脫以水
師力弱恐不敵事猶豫而各國亦以所部兵少咸懷畏蕙